



39119

kat.komp.

Mag. St. Dr. P

Teol. 2839

Dambrowski Nicolai: Quæst. theol. de eula-
sia Christi militante.

Biblioteka Jagiellońska



stdr0002427

C

I

F:

m:

Ac

I

Ann

73

Q V Æ S T I O T H E O L O G I C A.

D E

Ecclesia Christi Militante.

A

F. NICOLAO DAMBROWSKI, Ordinis Carmelitarum de Regulari Observantia, in Alma Academia Crac. S. Th. LICENTIATO, & in Conu. Crac. Studiorum Regente.

*Pro Honore Doctoratus S. Theol. in eadem
Celeberrima Academia obtinendo.*

P R A E S I D E N T E

Admodum Rñdo & Clariss. Viro

D. MARTINO CAMPIO VADOVIO S. Th. D. ac
Profess. S. Floriani Præposito. &c. &c.

Publicè ad Disputandum proposita.

Anno Salutis humanæ, MDC. XXXII. Mense Novemb.

Die 27 Hora 15.

In Lectorio D.D. Theologorum.



In Arma Gentilitia.



PRO leuibus plumis, summas Crux tendit in auras:
Atque acuit geminum, iuncta Sagitta, decus.
Cælestes ea signa Viros, cælestia monstrant
Symbola, & ingenuas posteritatis opes.
Alma fides firmat, generosum robore pectus
Pro aris, proque focis, militat alma fides.

391197



ILLVSTRISSIMO DOMINO
D. LEONI SAPIENHA,
PALATINO VILNENSI,

Supremū Martis imperiū in Mag.
Duc. Lithuaniae exercenti: Mohilouien. Bre-
sten. &c. &c. Capitaneo. Domino &
Mæcenati Colendissimo.

Fr. NICOLAVS DAMBROWSKI CARMELITA
Salutem & perpetuam Felicitatem.



ERAM MILITANTIS CHRISTI Ecclesie speciem,
presenti disputatiuncula effigiatam, ad te Illustrissime Domine defero:
Rem sane augustissimam, cui splendoris desideretur nihil, si rem ipsam
spectemus, venustatis autem desit maxima pars, ubi solum auctor videatur:
tibi ergo Patronum querere necesse fuit, Teque præ aliis delegi:
Haud ignarus tuam singularem ac fortunatissimam tutelam, tantum ornamenti & felis-
citatē eidem allaturam, ut hinc alijs, invidendi tale Patrocinium iustissima consurgat
ocasio. Etenim quemadmodum nominis tui amplitudinem, ob inclitam Familiæ Tus
dignitatem, morum tuorum integritatem, generosam animi celsitudinem, cum admirabili
prudētia pariq; humanitate coniunctam, pietatem verè Christianam, eximiam benefi-
centiam, prudentemq; in gratiis ac fauoribus elargiendis liberalitatem, tibi à perenni illo,
lo, &

le, & inexhausto diuinae bonitatis fonte largè communicatam, cuncti venerantur, suspiciunt ac predicant, ita quod eiusdem nominis tui irrefragabili autoritate commendatur, non possunt non complecti & probare. Ad hæc gratissimum tibi fore sperabam, hoc literarium munusculum, partim quod singularis tuæ in Ordinem nostrum munificentie, leuidentis interim meæ, meiq; instituti in te obseruantia vellem esse testimonium: partim quod argumentum tractet nobis, & nostris temporibus quodammodo debitum. Non enim ignorare potes quam effreni animositate aduersarij, contra veritatem fidei Catholicae usq; ad sanguinem furentes; perditam defectionem, à vera Iesu Christi Ecclesia Romana & Pontificia propagare conituntur: detestandam impie fraudis licentiam, libertatem credendi viuendiq; effracto legis Ecclesiasticae limite, fallacibus inuentis astruunt & instillant. Et quamuis his dolis aliquantulum concuti possent infirmiores, in fide tamen benè fundati commouentur nihil. Pertinacius hi priscam fidem, de vera Christi in terris Ecclesia, Romana & Pontificia tuentur; quam illi traducant: quis imò contraria vexatio auget studium & animos addit; efficitq; ut quam à maioribus sartam teptam acceperunt, solidioribus in dies rationibus ornent & confirment. Et quidem potuissent quoq; hæc in nostra disputatione copiosius doceri & explicari: sed modus nobis tenendus fuit; & quod pro Scholarum cōsuetudine in lucem producit, cum Scholasticis legibus pugnare non debuit. A te igitur protegendum hoc certamen Theologicum, ad Tuæ amplitudinis aram venerandum procumbit, tuoq; Augusto nomini sese deuouet & consecrat. Tu congenita Tibi humanitate, lætaq; fronte illud excipere dignaberis; ita ut singuli plenè cognoscant, tibi diuinitus datum, tantam, in Ecclesiam veram Iesu Christi, spirare pietatem, quanta nullo verbi colore leniter effingi poterit. Viue diu felix, Ecclesie, RP, singulare decus ac presidium.



QVÆSTIO.

Vtrum Christi in terris Ecclesia, Romana, Pontificiaq; nuncupata, sola sit vera, Sancta, Catholica, Apostolica, Vna, eo vnitatis genere, vt nihil permutationis in rebus fidei, nullamue varietatem & libertatem credendi, admittat & sustineat, nec ne?

CONCLUSIO I.

Ecclesiam DEI, more orthodoxorum appellamus congregationem fidelium à Christo fundatam; non quidē informem & confusam, sed tali specie ac forma, qualem ab Authore suo congruentem fini sortita est.

COROLLARIA.

1. *Ac proinde Ecclesia Dei non solum est congregatio Sanctorum in spiritu oculta, sed visibilis & conspicua Christi fidelium omnium, qui Sacramento Baptismi initiati sunt.*

2. *Atq; malos non solum eos qui oculi, sed etiam manifesti peccati labe contaminati sunt, Ecclesia suo gremio complectitur.*

3. *Imò etiam illos, qui sola externa professione fidei, cæteris fidelibus coniuncti sunt, esse veras partes exteriores, corporis Ecclesiæ indubitanter asserimus.*

4. *Iam verò quod non soli prædestinati, sed etiam reprobi ad Ecclesiam pertineant, ex ipsa scripturæ sacræ evidenti contestatione satis liquido constat.*

5. *Tandem infideles qui mystici diluvij salutari-
bus aquis non sunt abluti, intra septa Ecclesiæ, & unitatem familiæ illius nullatenus continentur.*

CONCLUSIO II.

Ecclesia Christi vera, est solus ille cætus fidelium, qui sub obedientia Romani Pontificis, à temporibus Apostolorum, vnam semper profitentur fidem, atq; communione Sacramentorum colligati sunt.

COROLLARIA.

1. Igitur officium Supremi capitis ita fuit concessū S. Petro, ut illud perpetua successionis serie, in Ecclesia Dei militante conseruaretur.

2. Præterea hinc facile quæque intellecturum existimo, Romanū Pontificem, esse verum de iure diuino in Ecclesiæ primatu Sancti Petri successorem.

3. Vnde Summus Pontifex, cum totam Ecclesiam docet, in his quæ ad fidem pertinent, nullo casu propter diuinæ assistentiæ peculiare priuilegium errare potest.

4. Sed non solum in Decretis fidei, sed neque in præceptis morum, quæ toti Ecclesiæ præscribuntur, & quæ in rebus necessariis ad salutem versantur errare potest.

5. Probabile est pieque credi potest, Summum Pontificem, non solum ut Pontificem errare non posse, sed etiam ut particularem personam, Hæreticum esse non posse.

CONCLUSIO III.

Ecclesiam Christi veram Romanam, solam esse sublimis sanctitatis prærogatiua illustrem, certum planè ac indubitatum est.

COROL-

COROLLARIA.

1. Sancta quidem est, non quia quodq; membrum Ecclesiæ sanctum sit, & diuini sacrificantisq; spiritus habitaculum, sed quia sanguine Christi acquisita est.

2. Sancta inquam est, quia nemo in eam ingreditur, nisi per baptismum ablutus & sanctificatus.

3. Sancta præterea ob vniuersalia efficacissimaq; remedia sanctitatis, doctrinæ, & Professionis eius, sinceritatem & puritatem.

4. Sancta in moribus studio & conatu, quo omnes suos, sanctos & perfectos sponso exhibere contedit.

5. Ac omnino nulla secta vel Paganorum, vel Philosophorum, vel Turcarum, vel Hæreticorum, est sancta, cum quæuis illarum aliquos exploratos errores contineat.

CONCLUSIO IV.

HÆc eadem Christi in terris Ecclesia Romana, seu Pontificia, est sola Ecclesia, Catholica, & Apostolica.

COROLLARIA

1. Ac ideo tam firmiter à Christo fundata est, ut
nullus

nullus Satanae furor, nullus inferorum impetus, eius
durationem infringere aut violare potest.

2. Ordinem quoque rectum, continua serie successi-
onis Episcoporum & Ministrorum varietate, insi-
gnem usque ad consummationem mundi, in ea Deus
conseruari voluit.

3. Huc accedit præclara illius prærogatiua, & sin-
gulare diuinæ assistentiæ priuilegium, cuius directio-
ne cõmunita, à veritate fidei minimè aberrare potest.

4. Atque si aliquando oriantur controuersiae de fi-
de, Ecclesia in iis definiendis, à veritate deuiare
nequit.

5. Hæc tamen potestas definiendi, & proponen-
di res fidei, non est immediate in tota communitate
Ecclesiæ, sed in vno supremo ac visibili illius capite.

CONCLUSIO V.

Ecclesia Christi, Vera, Romana & Pontificia, ar-
ctissimo vnitatis vinculo continetur, ita vt ne dum
libertatem credendi à suis castris omnino propellat,
sed etiam non nisi eos, qui omnibus ijs quæ illa do-
cet, seclusa quacunque varietate firmiter assentiunt:
spe immortalis gloriæ replet.

COROL.

COROLLARIA.

1. Ideò neq̃ Machumetana sentina, quæ plurima absurda à sacro dogmate Ecclesiæ aliena continet; nequè Ariana impia pestis suos beare potest.

2. Palpabili quoque cæcitate laborant, Heraſeon lernæ, Luteri sequaces, qui per solam fidem, per flammæ purgatricis euerſionem, per Miſſæ abrogationem, per Venerem, per delicias ad summam cæli voluptatem peruenire autumant.

3. Ad hæc nec Caluinianus furor, nec Eutichiana insania, institutis Ecclesiæ Christi aduersa: nec quicumque falsa religionis specie illiti, suos in cælis locare possunt.

4. Quamobrem propter unitatem conseruandam, Ecclesia potest tum pœnis Spiritualibus, tum temporalibus compellere, eos qui baptizati sunt, ut in unitate Ecclesiæ perseuerent.

5. Porro Principes Christiani, ciuilem potestatem habentes, tenentur omninò non permittere subditis suis, libertatem credendi, sed dare operam ut una fides seruetur, quam Ecclesia Romana Pontificia docet esse tenendam.

Qua

Qua vnitate cum nihil sit certius & efficacius, pro
concordia, pace & disciplina publica conseruanda,
nihil etiam facilius inueniri poterit. ORO CHRIS-
TVM, vt inspiret suorum mentibus, eam fide-
liter sequi & amplexari.

*In Decanatu Adm. Rñdi. Patris D. Matthiæ Blo-
sij S. Th. D. & Professoris, S. Flor. & Sacrae Fac.
Theologiae Decani dignissimi C. P.*

C R A C O V I Æ,

In Officina Matthiæ Andreouensis. Anno Domini
M. DC. XXXII.



81.5.18

Biblioteka Jagiellońska



sidr0023606

